

VENEZUELA INTERESA NA PARTICIPA DEN SHELL NA CURACAO

ORANJESTAD(AAN)—Prome Ministro Maria Liberia Peters a laga sa cu su gobierno ta considera e acuerdo logra na Venezuela como un paso importante pa sigui haci esfuerso pa mantene Shell na Curacao.

Prome Ministro MARIA Liberia Peters a declara cu e hecho cu PDVSA ta considera un eventual participacion den Shell Curacao, lo por ta un garantia mas pa permanencia di Shell na Curacao.

E ministro tabata sumamente satisfecho y emocionacion cu e acuerdo logra na Caracas.

El a bisa cu en todo caso tin un compromiso hopi serio cu den diez dia di tempo PDVSA y Shell mester por yega na

acuerdo ariba un formula di tal forma cu por cuminsa cu e suministro di petroleo di Venezuela atrobe.

Encuanto e parti di inversionnan cu a ser poni como condicion, den termino di cuatro luna Shell mester presenta un programa di inversion.

Un punto cu a cay masha positivo pa e delegacion ta un expresion concreto di parti di gobierno Venezolano cu a contribui hunto cu e delegacion Antillano den e parti di participacion den e refineria. Gobierno Venezolano mester tuma e decision fiho y final ariba esaki prome cu fin di e aña aki.

"E idea aki a cay sumamente bon cerca nos, pa

sobra nos ta kere cu si Venezuela por drenta den e compania como partner

aunque cu minoria, Venezuela cu su petroleo y su knowhow etc. pa gobier-

no e ta un garantia aunmas pa permanencia di Shell na Curacao"

BERDAD NUNCA A PERJUDICA NINGUN HENDE NINGUN CAUSA NI NINGUN NACION

Diario

DI ARUBA

Bo Matutino
Netamente Arubiano

DIAHUEBS 18 JULI 1985

AÑA 4, No. 1372

OLD PARR DI ARUBA CAMPEON MUNDIAL DI DOMINO ATROBE

ORANJESTAD(AAN)—Ayer anochi e bon noticia a ser ricibi for di Curacao ,pa medio di Dr. Ponse cu tin contacto cu e equipo di Aruba , cu Old Parr, campeon Arubano, y Antillano di domino y cu aña pasa a bira campeon mundial di domino despues di tabata

sub campeon, a retene e titulo.

Durante e campeonato cu for di diaviera ultimo ta tumando lugar na Curacao cu participacion di varios pais, Old Parr di Aruba a gana tur e pais nan.

E unico pais cu a gana un wega di Old Parr pero

despues a ser derota atrobe tabata Republica Dominicana.


Ayer anochi Old Parr a titula campeon ganando di tanto Puerto Rico como Republica Dominicana.

Segun e informacion e equipo falta un partido mas pa hunga pero ya e titulo ta sigura.

ACUERDO EN PRINCIPIO LOGRA ENCUANTO SHELL



Ariba e foto aki por mira e lancha pesquero cu Guardacosta a drenta teritorio di Aruba cune ayera y pasa over na Cudarebo pa ser treci waf. E boto di piscador a ser haa ariba lama sin ningun miembro di tripulacion y interpol actualmente ta buscando pa sa di unda e ta. Relato di esaki por lesa ariba pagina 5 di e edicion aki.



Recientemente tabata tin e subasta na Lago caminda cu tabata tin entre otro algun vehiculo pa ser subasta. Entre nan truck di paga candela. Esaki ta un di e trucknan cu a ser bendi y fotografo di DIARIO a logra capta e foto aki, caminda e truck ta ser poni ariba barco di

container pa ser transporta pa Puerto Rico. No ta conoci si e ta pa Puerto Rico of si lo ta pa otro destino. Segun esnan cu conoce e truck aki, e ta den masha bon condicion y por ser usa varios aña mas ya cu el a haya su mantencion segun especificacionnan.

Segun ADN:

TIN MUCHO EMOCION ENVOLVI AWOR AKI DEN PROCESO DI STATUS APARTE

ORANJESTAD(AAN)—Segun Accion Democratico Arubano den un comunicado ayera, historia lo demostra si e logro di Status Aparte lo no por a ser realiza cu menos polarizacion y desunion den pueblo cu tur nan aspectonan negativo pa comunidad.

Accion Democratico Nacional, ADN ta bisa cu

awor aki tin mucho "emocion" involvi di e proceso di Status Aparte pa un evaluacion historico obhetivo y balanza.

"Den e jubilo di e pueblo pa Status Aparte, ADN ta bolbe señala falta di sinceridad den politiconan na Aruba.

Den un anuncio grandi di corant, MEP ta duna pueblo di Aruba pabien

cu Status Aparte y cu Independencia, dia prome di januari 1996, mientras recientemente tur hende por a tende lider di MEP declara y defende cu ta pueblo mes mester bay dicidi ariba fecha di independencia, a base di su derecho di autodeterminacion. Si ya MEP a acepta prome di januari 1996 como fecha di in-

dependencia anto pakico sigui engaña pueblo?"Ta pregunta cu ADN ta haci den su comunicado.

ADN ta felicita pueblo di Aruba den su totalidad cu e hecho cu cambio di Statuut a keda aproba pa parlamento di Aruba.

"Aruba por ta sigur awor di e tan anehla Status Aparte entrante prome di januari 1986. Nos felici-

tacion ta bay tambe na tur partido politico na Aruba cu a duna nan aporte pa realizacion di e deseo di pueblo", Accion Democratico Nacional ta bisa finalmente enfatisando un vez mas cu historia lo mustra si e logro di Status Aparte lo no por a ser realiza cu menos polarizacion y desunion den pueblo.

TAXISTANAN PARCE KIER MONOPOLIO Ariba CAMINDA

ORANJESTAD(AAN)—Segun e informacionnan ricibi di polis ayera, diamars mainta mas o menos 5 pa 12 centrale post mester a dirigi un patruya pa un hotel na Eagle, caminda un tip a dreña cu un chofer di un Van tabata transporta turista.

Ora cu patruya a yega na e sitio nan a bin topa cu e Van cu tabata bloquea pa algun taxi.

Polis a papia cu e chofer y a resulta cu e chofer M.M. tabata tin dos turista den su Van ken denan e conoce.

Ora cu polis a papia cu e homber turista cu tabata acompaña pa su señora esaki a declara cu nan conoce e chofer di e Van hopi bon y cu nan a haya un lift cune for di Palm Beach pa un di e hotelnan na Eagle.

Sinembargo un di e taxistanan cu a sinti cu e ta ser perhudica den su trabao a pidi polis pa baha e dos turistanan for di e Van y persisti cu e turistanan mester cohe un taxi of nan mester cana na pia.

DIARIO for di diamars mainta tabata na altura di e caso aki, y por splica lo siguiente di dje.

E manehador di e Van ta un persona masha social y cu ta duna turistanan gira rond di nos isla, naturalmente pa pago, cu

e compania cu e tin.

E persona aki recientemente a cuminsa cu su Island sightseeing, y ta cumpliendo cu un labor excelente, ya cu e ta hibando turistanan na lugarnan caminda mayoria di tourman no sa bay, y DIARIO mes diadomingo ultimo a topa cune cu algun turista cu a siña conoce otro bistanan y cosnan di Aruba.

Diamars mainta, saliendo fot di Hotel el a mira e pareha canando pa beach y a ofrece nan un cabey boto den e solo cayente. El a hiba e turistanan beach y despues a sigui pa atende su asunto nan di negoshi, y sin cobra nan.

Mas despues ora cu e tabata ariba caminda atrobe el a topa e pareha atrobe canando den direccion di hotel y atrobe el a dicidi di duna servicio na nos bishitantenan y ofrece nan cabey boto atrobe te na nan hotel, unda tambe e tabata bay.

Un taxista cu a mira esaki no a keda contento y di un manera of otro a busca mas taxista y na e hotel nan a bloquea e Van y yama polis pa e chofer di e Van.

Esaki a papia masha decente cu tanto polis como e otronan y despues cu eynan a soluciona e problema, el a hasta

bishita central di taxi pa informa nan di e sucesido y splica kico ta kico den e asunto aki.

For di relato policial por a hasta ripara cu ora polis a papia cu e turistanan nan mes a splica cu nan conoce e chofer bon y ningun momento den e caso aki tabata tin perhudicamento di taxistanan.

Ta conoci, sinembargo cu tin personanan cu ta transporta tusitanan y ta

haci como si fuera nan ta taxi y cu ta cobra perhudicando taxistanan, pero no ta manera di actua pa bay bloquea vehiculonan di otro hende, sin cu busca drechi prome y ademá di esey yama polis tambe.

Tur hende ta liber pa duna cabey boto na kende cu nan kier, sea local of bishitante. E personanan aki ta viola ley si, ora cu nan cobra pa esaki y nan ta perhudicando

asina tambe taxistanan cu tin e profesion di transportacion di bishitantenan y hende local pa pago, pero esaki no ta implica cu taxistanan mester kere cu ta nan tin monopolio ariba careteranan tampoco. Pa nos turismo nan tin masha bon nomber ariba nos isla y cerca bishitantenan, y e bon imagen aki no ta pa ser dañá cu accionnan manera a tuma lugar diamars mainta.

INVITACION

MOVIMIENTO ELECTORAL DI PUEBLO (MEP)



Betico Croes:
"Mi mision politica den mi carrera politica ta cumpli"

1986:
INDEPENDENCIA
1996:
STATUS APARTE

TA INVITA TUR SU LIDERNAN DI BARRIO Y CAMPANADORAN PA UN BRINDIS NA INDIAN ROCK GARDEN NA HOOIBERG

DIAHUEBS 18 JULI
8:0R TE 11:0R DI ANOCHI

DIRIGENTENAN DI MEP LO TA PRESENTE PA INTERCAMBIA FELICITACION PA E GRAN LOGRO OBTENI

BO PRESENCIA LO KEDA ALTAMENTE APRECIA

FRATERNALMENTE,
BETICO CROES

ACUERDO EN PRINCIPIO LOGRA ENCUANTO SHELL

ORANJESTAD(AAN)—Informacionnan for di Caracas ta bisa cu Hulanda, Venezuela y Antillas a logra yega ayera na un acuerdo di principio cu mester conduci na tene refineria di Shell na Curacao habri definitivamente.

E acuerdo a ser logra na ultimo momento durante bishita di prome ministro di Hulanda Ruud Lubbers na Caracas.

Un decision definitivo encuan to tenemento di e refineria habri no a ser tuma ainda.

Shell y PDVSA dentro di diez dia mester yega na acuerdo encuan to suministracion di petroleo y e condicionnan relaciona

cu esaki.

Si logra e acuerdo aki, por bisa cu Shell na Curacao lo keda habri, segun prome ministro Lubbers a laga sa na Caracas.

E acuerdo logra entre Hulanda, Hulanda y Antillas ta encera un mecanismo di deliberacion den cual na cierto temponan determina lo bini na ordo diversificacion di economia di Antillas y funcionamiento di Shell.

Segun e representante special Hulandes, Jhr. Mr. E. van Lennep, cu a prepara e deliberacionnan, esaki por tuma lugar ariba nivel ministerial y gubernamental.

Un otro punto importante ta cu Shell a pone

su mes dispuesto dilanti e gobiernonan pa mira ariba ki manera e inversionnan por tuma lugar pa garantiza funcionamiento di e refineria pa termino largo.

Shell a deshaci tambe di su intencion di bende mayoria di su accionnan.

Shell lo mantene e mayoria di e accionnan di e refineria.

Un eventual participacion di gobierno antillano den Shell no a ser kita ainda, segun van Lennep.

Encuan to e cantidad y e manera cu esaki mester tuma lugar lo dicidi den e lunanan venidero y prome cu dia prome di januari 1986 un decision mester cay encuan to esaki, segun van Lennep.

Van Lennep a declara tambe cu un decision definitivo encuan to tenemento di Shell habri lo por ser tuma si Shell y PDVSA yega na acuerdo ariba entregamento di petroleo y e prijs di esaki.

Den un stadium mas aleeuw, e compania estatal venesolano lo delibera encuan to un participacion minoritario den e refineria di Shell na Curacao.

Prome ministro Lubbers mesora a viaja ayera pa Hulanda. Anteriormente e plan tabata pa pasa via Curacao pa deliberacion cu gobierno di Antillas, pero cu avion di Shell el a regresa Hulanda mes ora pa presidi reunion di Consejo di

Ministronan diaviera venidero.

Prome Ministro Antillano Sra. Maria Liberia Peters durante e deliberacionnan y firmamento di e acuerdo tabata presente ayera.

El a ser felicita despues pa prome ministro hulandespa e resultado logra.

Diasabra anochi e delegacion antillano ta regresa Willemstad y segun DIARIO tin entendi lo ser haci yamadan na radionan di Curacao pa duna Ministro Maria Liberia Peters un bon bini grandi na Curacao den un manifestacion.

Di otro banda a ser bisa cu ayera anochi mes e prome ministro tabata tin intencion di regresa Curacao.

INDEPENDENCIA LO TRECE ATRAZONAN

Segun Dolfi Jansen di PPA

ORANJESTAD(AAN)—Segun Sr. dolfi Jansen, secretario general di PPA, e partido sa bon cu independencia aki 10 aña ta significa solamente incertidumbre y e manera cu Hulanda a impone pa e bini den e cambio di Statuut ta algo cu ta significa solamente atrazo ariba tereno financiero, economico, ariba tereno social, ariba tereno cultura, tereno educacio-

nal y ariba nos nivel di bida cu nos a custumbra cu ne desde 1954.

Prueba di e atrazonan social financiero economico tey pa tur hende mira y sinti, el a laga sa.

Pruebanan di e atrazo cultural ta e maneho di diputado encarga cu biblioteca publico unda cu e diputado ta taha e biblioteca publico pa mantene e nivel di e cantidad y cali-

dad di bukinan pa e pueblo enriquece su mes cu literatura up to date y adecua, Sr. Jansen a laga sa.

"Pruebanan di atrazo educacional tey, ora cu diputado di MEP encarga cu enseñanza ta participa na mayornan di Aruba cu nan yiunan no por haya e educacion cu nan a custumbra di haya desde

1955 ora cu PPA a introduci esaki na Aruba pa tur joven di e tempo ey, incluso Sres. Betico Croes, John v.d. Kuyp, Nel Oduber y tambe Hendrik Croes Grace Bareño y hopi otro componente mas di MEP cu a caba di dicidi dos tres siman pasa cu enseñanza di Aruba mester bay por lo menos 30 aña pa 40 aña atras", Sr. Dolfi Jansen a bisa.

E ta sigui bisa cu prueba

di e atrazo hopi grandi ta e hecho cu awe alrededor di 1500 tata di familia arubano ta cana sin trabao, pero gracias tambe na e bishitanan cu dirigenenan di MEP manera Frank Croes y Guillermo Trinidad a haci na Brazil pa atende reunionnan di S.I. y no mas cu un luna pasa diputado v.d. Kuyp ta bisa cu ainda tin dos hende cu ta interesa den cumpra Lago, el a bisa.

VENEZUELA Y SHELL TIN INTERES DEN ENVIO DI PETROLEO

Segun Crisanti

ORANJESTAD(AAN)—Durante e conferencia di prensa ayera tardi na Palacio Miraflores na Caracas, e ministro di energia, Arturo Hernandez Crisanti a bisa cu den e acuerdo cu a ser logra ayera na Caracas, tur posibilidad tin pa Venezuela sigui coopera pa Refineria di Shell keda Curacao.

El a bisa cu e refineria ta influencia na un mane-

ra determinante, e bida economico y social di e isla cu cual Venezuela tin lazo historico masha bieuw y masha estrecho.

"Nos a yega na un acuerdo global" el a laga sa.

E acuerdo a ser firma pa su persona, ministro Consalvi y ministro Lubbers.

Segun ministro Arturo

Hernandez Crisanti practicamente e por subscirbi locual Lubbers a splica, esta cu PDVSA y Shell lo studia ariba plazo corto e terminonan y condicionnan economico den cual por resumi suministrar di petroleo pa Shell na Curacao.

Segun Crisanti, tanto Shell y Venezuela tin interes di resumi e venio di petroleo.

REPRESENTANTENAN DI MELCHIOR BV NA ARUBA

ORANJESTAD(AAN)—Actualmente ta na Aruba Sr. Melchior kende ta e persona cu tin intencion di atrae industrianan pa Aruba.

Ultimo tres dianan aki e delegacion di Sr. Melchior ta buscando informacionnan pa inventariza e posibilidadnan pa atrae industrianan na Aruba.

Segun DIARIO tin entendi el a reuni caba cu Gobierno di Aruba.

Awe y mañan lo termina cu e trabaoonan cu ta ser haci y diasabra awor e ta regresa Hulanda.

Segun DIARIO tin entendi tur indicacion actual ta masha positivo.

Nan lo no kier traha

Segun lesa pag. 14

COLOMBIA TA OFRECE ARUBA BECANAN COMPLETO

ORANJESTAD(AAN)—Ayer tardi DIARIO tabata tin un entrevista cu Dr. Helena Alvarez de

Vasquez, Consul di Colombia na Aruba, relaciona cu celebracion diasabra awor di Independen-

cia di Republica Colombia.

Segun Doña Helena Alvarez de Vasquez, dias-

abra awor pa 10 or mainta lo tin un Santo Sacrificio di misa na Iglesia San Fransisco y tambe durante weekend lo tin un partido di futbol amistoso entre un seleccion di Colombianonan residencia na Aruba y e equipo Flor de Oriente.

E seleccion di Colombianonan lo estrena e dia aki nan uniform nobo cu ta obsequio di e consulado, y ta consisti di camiseteta geel, carson blauw y mea corra, cu ta colorman di Republica Colombia.

E informacion mas grata ainda pa e pueblo di Aruba ta cu gobierno di Colombia ta ofrece na jovennan di nos isla becanan completo y integro na Colombia.

Di esaki, diaviera anochi informacion lo ser duna den un programa special di television 8.30 or den cual ademas di Doña Helena Alvarez de Vasquez lo dirigi palabra tambe Dr. Rafael Salamanca, Dr. Vallejo y lo ser pasa un video historico masha bunita di Colombia relaciona cu nan celebracion di Dia di Independencia.

Den e programa Doña Helena lo papia ariba aspeccionan historico, mientras cu Dr. Salamanca lo elabora ariba colaboracion tecnico entre Colombia y Aruba, y Dr. Vallejo lo dedica su mes

ariba e becanan cu ta ser ofreci na jovennan estudianta Arubano.

Ta trata di becanan den tereno hotelero, refrigeracion y mecanica automotriz entre otro. Pa e becanan aki, Gobierno di Colombia ta paga viaje di e estudiantenan, nan estadia completo, transportacion na Colombia, y tur otro gasto cu e jovennan por tin, hasta labamento di nan paña.

Dr. Vallejo lo duna tur informacion necesario ariba esaki y ta ser spera cu den corto tempo lo manda e prome estudiantenan pa Colombia pa sigui cursonan menciona.

Di locual por tende di e consul, e programa diaviera anochi lo ta masha interesante y e video cu ta ser presenta masha bunita mes.

DOS PRE SELECCION PA FESTIVAL DI MUSICA MEXICANA

ORANJESTAD(AAN)—E siman aki e fechanan pa e Festival di Cancion Mexicano di Aruba a keda stipula.

E comision a dicidi cu lo tin dos pre-seleccion cu lo ta ariba dia 7 di september y dia 5 di october y e final mes lo ta dia 2 di november.

Esaki ta debi cu tin hopi cantante cu ta interesa

pa participa den e festival grandi di tur aña y ta haci cu ta dificil pa e huradonan juzga e cantantenan manera debe ser.

Pa cada pre seleccion lo tin participacion di 20 cantante acompaña pa dos mariachi y durante e pre seleccionnan lo saca cada anochi 10 finalista.

Cuatro mariachi lo participa den e festival e aña

aki y nan ta Mariachi Perla di Aruba, Mariachi Nacional, Mariachi Guadarricana y Mariachi Orgullo di Aruba.

E cantantenan por tuma contacto for di awor cu e mariachinan pa nan preparacion. Cada mariachi ta acepta solamente 10 cantante y ta e mariachinan ta selecta for di e peticionnan cu nan ricibi si esaki ta surpasa 10.

PENSIONADONAN LO SER AFECTA MAS AINDA

Segun Sr. Benny Nisbet

ORANJESTAD(AAN)—Segun Sr. Benny Nisbet e falta di respet pa parlamento di Aruba a ser demostra na varios ocasion y hasta ta asina cu fraccion di PPA a pidi gobiernu si el a studia e consecucionan di e forma den cual gobiernu lo a kita e porcentahenan pa no perhudica e pensionistanan y esnan cu tabata traha cerca di bay cu pensioen. Gobierno a contesta cu nan a studia esaki y e lo no afecta esnan cu ta cu pension caba. Esnan cu bay cu pensioen si lo wordo afecta.

For di e tempo ey fraccion di PPA a bisa cu segun su estudionan e forma cu gobiernu tabata atendiendo e asunto lo tin consecuencia pa tur pensionado di gobiernu tanto esnan cu ya ta cu pensioen como esnan cu mester a bay cu pensioen ainda. E tempo ey nan a hari PPA y ata tempo a demostra cu PPA tabata tin razon un vez mas.

E ley di inkomensvorming si e wordo aplica na Aruba tambe esaki den concepto di PPA por tin efectonan pa esnan cu ta cobra pensioen atrobe.

“Con por papia di husticia awen dia na Aruba si un empleado publico a paga pensioen henter su bida pa despues e cobra mas o menos 70 porciento di e ultimo sueldo di e ultimo 24 luna cu el a traha y awor un mal maneho di gobiernu di MEP ta perhudica e pensionado aki barbaramente. Si nos analiza bon, ningun grupo den nos comunidad Arubano a scapa e mal maneho di MEP. Esnan cu tabata traha na TAV, esnan cu tabata cobra onderstand, esnan cu taata tin carchi di docter, esnan cu ta traha den servicio di territorio insular di Aruba, e pensionadonan di gobiernu na Aruba, y asina por sigui”, el a laga sa.

Sr. Nisbet ta mostra cu mester sana e situacion financiero economico di Aruba crea pa e gobiernu actual, y pa evita cu sin cu pueblo a fiha pa su mes, un fecha di independencia, nos paspoort hulandes y nos nacionalidad hulandes ta wordo kita di nos..

WILLIAMS Y TROMP TA MALCONTENTO ?

ORANJESTAD(AAN)—Ayer durante dia tabata circula rumornan cu den seno di PPA lo tin malcontento, especialmente di parti di e parlamentario Frank Williams y e miembro nobo cu lo a aparece ariba lista e aña aki, Sr. Tromp. DIARIO a haci intento pa logra haya informacion encunto esaki ayera, ya cu e rumornan tabata fuerte, y hasta a referi na ausencia di Sr. Williams na e reunion di parlamento di diamars atardi.

No a logra sa t. ipoco e motibo di con Sr. Williams no a presencia e reunion y si ta verdad e ta malcontento cu procedura di e partido manera ta ser bisa.



DURACELL®

PENLIGHT SIZE MN 1500B4
AWOR PA UN TEMPO LIMITA.
KU KADA COMPRA DI

3 bateria, 1 gratis




PIDI'E TUR
KAMINDA
KU TA BENDE
CALIDAT

AGENTE:

ODUBER AGENCIES
TEL. : 25333

GUARDACOSTA A DRENTA CU BOTO BANDONA NA WAF



ORANJESTAD(AAN)—Ayer mainta un guarda costa americano cu mester a yega Aruba antayera caba, a dreña puer to di Oranjestad cu un boto di piscador, di 35 pia, pero cu a ser haya bandona ariba lama.

Esaki ta motibo cu e guardacosta no a dreña manera tabata stipula ya cu nan a encontra e boto y a haci un busqueda den vecindario.

Number di e boto ta Ruby-1 M.330 y el a ser haya na mas o menos 120 milla pabao di Aruba, segun e informacionnan.

Abordo a ser haya so-

lamente un cahita di swafel fabrica na Trinidad y un cent preto di Barbados, cu por a duna un indicacion mas o menos di unda e boto lo por ta.

Por a nota cu trahadornan di APA tabata chica awa for di bodega di e boto ya cu esaki a yena aparentemente pa un of otro buraco of scheur cu lo tin den e boto.

Fiscal a ser poni na altura di e caso aki, y tambe recherche y personal di douane kendenan tabata na waf ayera mainta pa haci un control y un investigacion.

No a ser haya nada cu

por a muestra ariba transportacion por ehemplo di articulonan of productonan ilegal of di contrabando.

Locual si por a nota abordo ta net di piscay aparentemente ta trata di un boto di piscadornan cu lo a haya problema ariba lama grandi y cu mester a bandona e boto.

Interpol lo sigui investigacion di unda e boto aki lo ta pa asina por haya mas informacion.

Segun informacionnan cu a ser ricibi, ta ora cu capitan di e Guardacosta tabata tin Aruba na bista el a entrega e boto na re-

molcador Andicuri cu a bin aden cu e boto cu lo

keda Aruba te ora cu e ser reclama.

Secretario General di PPA, Dolfi Jansen: HULANDA A BENDE AVP Y PPA GATO DEN SACO

ORANJESTAD(AAN)—Segun Sr. Dolfi Jansen di PPA Aruba y PPA ta di jubilo pasobra e pueblo hunto cu PPA a persevera pa logra cambianan estatal necesario pa asina e pueblo hunto cu PPA por cuminsa cu e celebracion di Status Aparte dia prome di januari 1986.

E secretario General di PPA a laga sa cu e Status Aparte cu henter e pueblo Arubano a boga pe; e Status Aparte cu tur partido politico a bringa pe; e Status Aparte cu ta garantiza lazonan estrecho di Aruba cu Hulanda; e Status aparte cu mester garantiza tur e derechonan legal di cada ciudadano Arubiano; e Status Aparte cu mester garantiza prosperidad di comunidad Arubano; e Status Aparte cu mester garantiza futuro di nos yunan; e Status Aparte cu mester duna e pueblo tur oportunidad pa voluntariamente dicidi ariba su mes

futuro estal, ta ser logra pero PPA sinembargo ta haya su mes obliga di condena e metodonan cu hulanda a aplica y cu MEP y AVP a acepta e gato den saco.

E gato den saco cu a resulta di ta un fecha fijo pa Aruba tuma su independencia cu Hulanda a impone.

E ta splica cu e fecha aki ta pone cu Hulanda ta corta e cabuya simbolico cu ta mantene e lazonan cu Aruba.

El a elabora tambe ariba kitamento di pasaporte hulandes locual PPA ta enfatisando tur e dianan aki, y kitamento di nacionalidad Hulandes.

El a ripiti cu na Conferencia di mesa rondo PPA a bisa di ta acepta e puntonan di conclusion cu sentimentonan mixto y a spierta pueblo cu lo ta inhusto si Hulanda un dia lo mester purba impone independencia ariba lomba di Aruba.

EGYPTO TA BAY BAHAM PRIJS DI PETROLEO

CAIRO:—Egipto lo baha su prijs di petroleo pa e diferente sorto di petroleo crudo cu mas o menos mei dollar pa bari, segun a ser informa ayera.

E anuncio oficial mes lo sigui despues, segun un vocero di e compania egipcio, Egyptian general Petroleum Corporation EGPC a declara na Ciaro ayera.

E reduccion di prijs a ser spera hopi tempo caba y especialmente despues cu Mexico siman pasa a baha su prijs cu maximo mei dollar pa bari.

Mexico y Egipto no ta miembro di OPEP, e or-

ganizacion di paisnan exportador di petroleo.


Desde mei di e aña aki Egipto ta cobra pa un bari di petroleo crudo di e mihor calidad 26,75 dollar.

E reduccion di prijs lo conta pa tur sorto di petroleo di e pais, segun e vocero di EGPC.

Egipto ta exporta mas o menos un tercera parti di su produccion di petroleo, cu ta mas o menos 850 mil bari pa dia.

Petroleo ta un di e dos fuentenan di entrada mas principal di e pais y ta trece aden mas di 2 milard dollar pa aña.

TOYOTA a kibra porcentaje ariba
financiamiento. compra un TOYOTA
nobo for di stock durante luna di Juli
y bo ta paga na lugar di 18% of 9% solamente
12% of 6%



GARAGE CORDIA ARUBA N.V.



TELEARUBA

Thursday July 18
6:00 Fraggie Rock
6:30 Science and society
6:45 Gabriel y Gabriela
7:30 Cocktail musical
8:00 Telenoticias
8:30 Aruba y su Independencia
9:00 The Cosby show
9:30 Culturama
10:30 International news
11:30 Sports tonight
12:00 Clausura

AMBULANCE:
O'stad Tel: 21234
San Nicolas Tel: 45050

HOSPITAL:
Tel: 24300
POLIS:
Tel: 100
CENTRO di ALARMA
Tel: 115
TAXI STAND
Oranjestad Tel: 21604
San Nicolas Tel: 45160

BOTICA NA WARDA
JULI 13 - JULI 19
BOTICA NATIONAL

DOCTER NA WARDA
Diahuebs dia 18 di juli
Dr. E. Westrate. Tel. 48833 Centro Medico S.N. of via di hospital Tel: 24300.

TERENO REPARTI NA NICARAGUA

MANAGUA: Gobierno di Nicaragua e siman aki a reparti tereno na mas di mil agricultor, segun e ser informa ayera pa funcionarionan di ministerio di reformacion agrario.

900 familia den e provincia Masaya a haya tereno y 100 rond di e ciudad Esteli.

Segun voceronan di e ministerio e aña aki un total di 25 mil familia lo haya tereno di gobierno.

Den e prome cinco añanan di gobernacion sandinista mas di 65 mil familia a ricibi tereno di gobierno pa agricultura.



BOTANICA 'ASTRO SUERTE'

BO UNICO Y ORIGINAL CENTRO DI
SUERTE AKI NA ARUBA
ARENDSTR. No. 22A TEL 23628

"LA SIBILA"
BO PALACIO DI SUERTE
KERKSTR. No. 13 - Tel. 23811

**CAMINDA UN Y TUR
TA COBRA SIGUR !**

ZULIA 71484 71468
CARACAS 90189 98245 70215

SUERTE DI PUEBLO

NUMBER:

ADRES:

MI NUMBER DI 4 CIFRA TA:

E COUPON AKI TA VALIDO **18 JULY**
PA E SORTEO DI:

PROME PREMIO:

f1. 100,00 MAS UN MACUTO DI PRODUCTO

SEGUNDO PREMIO:

f1. 50,00 MAS UN MACUTO DI PRODUCTO

TERCER PREMIO:

f1.25,00 MAS UN MACUTO DI PRODUCTO DI E SPONSERNAN

E POR WORDE PRESENCIA PA PUBLICO TUR ANOCHI
PA 10'or VIA RADIO VOZ DI ARUBA

DEPOSITA E COUPON AKI NA VOZ DI ARUBA OF NA
CANAL 90 PROME CU 8'or DI ANOCHI.

HOROSCOPO

PRESENTA PA:

CASA NENA

TEL: 45344

'CAMA Ariba Abou CU 2 MATRAS Fls.395,-

Vendemos mas Barato, porque somos fabricantes !



ARIES(21 maart-20 april)

Enfrenta bo responsabilidadnan y no laga nada keda pendiente pa otro dia.



TAURUS(21 april-20 mei)

Scucha loke un hende grandi ta bisa, e por tin tur su razon. Sigi su consejo tambe.



GEMINI(21 mei-20 juni)

Un dia excelente pa topa cu hendenan importante. Bo mester ta dispuesto pa yuda hendenan den necesidad.



CANCER(21 juni-22 juli)

Awe lo bo lanta cu mal beis. No bisa bo mayornan nada ni discuti cu nan. Esey lo por sali bo malo.




LEO(23 juli-22 augustus)

Bo por drenta combersacion cu un amigo, locual no ta hiba bo ningun caminda. Mihor aleha di dje.



VIRGO(23 augustus-22 september)

Ta necesario yama un hende cu ta leeuw e por tin un bon noticia pa bo.



LIBRA(23 september-22 october)

Mainta bo por ta inquito. Pa merdia tur cos lo drecha pa bo y hopi mihor di loke bo mes por a pensa.



SCORPIO(23 october-22 november)

Warda te den oranan di atardi pa bo haci loke bo a laga pendiente. Drumu tempran.



SAGITARIO(23 november-21 december)

Por tin problema financiero. Lo bo nenga un hende di haci un favor.



CAPRICORNIO(22 december-19 januari)

Awe lo bo ripara cu bo no tin muchu amigo. E situacion cu bo ta den no ta un situacion deseabel.



AQUARIO(20 januari-18 februari)

Bo ta mantene bo apariencia de lo mehor posibel. Si bo ta soltero(a) un romance nobo por surgi.



PISCIS(19 februari-20 maart)

No haci un pregunta cu no ta bale la pena. Keda keto y scucha loke otro ta bisa.

RESULTADO 10. PREMIO **0640**
SUERTE DI 20. PREMIO **3684**
PUEBLO 30. PREMIO **9750**

DEPORTE

ORANJESTAD(AAN)—Den prome division di nos futbol, La Fama ta batallando duro pa por logra promove atrobe pa Division di honor, pero Deportivo Nacional tambe ta dunando e mes batalla aki.

L^a Fama a termina prome vuelta na prome lugar

cu 8 punto, y ta ser sigui pa Nacional cu tambe tin 3 gana den 5 wega, pero La Fama tin 2 empata, y Nacional 1, mientras cu Nacional tin un wega perdi tambe y tin 7 punto.

Arikok y CDRA ta sigui cu 6 punto na di 3 y 4 lugar, Sport Boys cu 2

punto y Britania cu 1 punto.

Den division prome, e equiponan cu ta atraendo mas fanatico ora cu nan hunga ta La Fama y CDRA tambe Nacional.

Arikok tambe ta un equipo cu den e division aki ta halando publico.

Despues a ser ricibi e posicionnan te cu dia 11 di e luna aki y por nota cu La Fama ta keda na Cabeza, pero ta ser sigui pa CDRA cu un punto menos, esta 12, mientras cu Nacional y Arikok ta empata na di 3 y 4 lugar cu 9 punto. Sportboys ta na di 5 lugar cu 3 punto y Britania na ul-

timo puesto cu 2.

La Fama te cu dia 11 di e luna aki no tin wega perdi den 8 salida. Nan tin 4 gana y 4 empata.

CDRA tin 5 gana 1 empata, Nacional y Arikok tin 4 gana 1 empata.

Sportboys cu Britania so no tin wega gana ainda pero si 3 y 2 empata respectivamente.

DELEGACION DI LITTLE LEAGUE TA VIAJA PA MEXICO AWE

ORANJESTAD(AAN)—Awe mainta 10 or e delegacion di Little League, Center League cu ta representa Aruba na e campeonato Latino Americano na Monterrey Mexico, ta haci nan viaje.

Ta ser spera cu un multitud grandi lo acudi na

aeropuerto awe pa despedi di e muchanan cu a pasa hopi dificultad pa por a logra e placa necesario pa haci e viaje aki, y desea nan hopi exito den nan representacion di Aruba.

TA viaja un total di 31

persona cu ta Ulises Maduro, Marvin Blom, Lenin Ashby, Junior Arends, Victor Simon, Emilio Berlies, Giovanni Maduro, Gilbert Boekhoudt, Cornelis Wiersma, Marlon Angela, Eugene Albertsz,

Iwan Lampe, Rayon Ridderstap, Juburney Daveelaar, coach Mayra Winklaar, Manager Beto Roga, periodista Pedro Maduro.

E delegadonan di e representacion lo hospeda

na Hotel Royalty telefon 000-52-83409800 y e peloteronan mes lo keda na un school, Albergue Infantil de La Unidad Gonzalito, na San Pedro Garza Garcia, Nuevo Leon.

UNIVERSAL A SIGUI TRECE MAS FANATICO NA FUTBOL

ORANJESTAD(AAN)—Despues di e prome 9 weganen di futbol division di honor, por a ripara cu weganen den cual Universal ta participa ta sigui hala mas fanatico.

Di cifranan ricibi di AVB por mira cu den e partido entre Universal y SLD cu a empata na 1 goal 417 carchi a ser ben-

de, den e partido contra Dakota a ser bendi 305 y Universal contra Estrella a vende 244 carchi.

E wega cu a yega mas cerca tabata di SLD contra Estrella cu 205 y SLD a logra atrae contra Bubali tambe 168 fanatico Tur otro wega tabata bao di 130 carchi.

LOUIS RICHARDSON GOALGETTER

ORANJESTAD(AAN)—Segun cifranan di AVB te cu dia 9 di e luna aki, Louis Richardson ta anotador number 1 di campeonato cu 5 goal. E hungador di Dakota aki ta ser sigui pa Errel Tromp di Bubali, Cronelis Rasmijn di Estrella tambe, cu 4, Amado Rosina di Dakota Dominico v.d. Linde di San Luis, cu 3 goal.

Cu dos goal anota tin Rafael Vanegas di RCA,

Armando Geerman di Universal, Isaias Hernandez di Estrella, Jose Weaver di San Luis, Pedro Tromp di Universal, Hubert Perez di Estrella, Rudolfo Dirks di Dakota, Lionel Bikker di Dakota.



La Dolce Vita

ANNOUNCING ITS NEW TAKE OUT POLICY.

All food from our original menu reduced 30 to 50 o/o FOR TAKE OUT.

FEATURING DELICIOUS SPECIALTIES AS.

	FL.	\$
DEEP PAN SICILIAN PIZZA with Mozzarella	7.00	4.00
each topping additional	1.50	85
HOT ANTIPASTO	6.00	3.50
STUFFED ZUCCINI, Mushrooms, Eggplant	4.50	2.50
MIXED GREEN SALAD	3.75	2.00
SPAGHETTI with Meat Balls (2)	11.50	6.50
LASAGNA	8.50	4.75
BAKED ZITI	8.50	4.75
MANICOTTI	8.50	4.75
FETTUCINE ALFREDO	9.00	5.00
SPAGHETTI with Clam Sauce (fresh Calms)	11.00	6.25
VEAL MARSALA with Mushrooms and Spaghetti	15.50	8.50
VEAL FRANCHISE with Spaghetti	15.50	8.50
VEAL AN PEPPERS with Spaghetti	15.50	8.50
VEAL CUTLET PARMIGIANA with Spaghetti	15.50	8.50
CHICKEN CACCATORI with Spaghetti	11.00	6.25
CHICKEN FRANCHISE with Spaghetti	11.00	6.25
CALAMARI MARINARA (squid) with Spaghetti	14.00	7.75
FISH of the DAY Broiled with lemon or wine sauce served with spaghetti	15.00	8.50
SHRIMPS SCAMPI with Spaghetti	18.00	10.00
HOM MADE POTATO KNISH		
PLAIN	1.75	1.00
POTATO AND CHEESE	2.50	1.50
POTATO AND MEAT	3.00	1.75
WINE BOTTLE Italian 14.50	8.00	
BEER	1.75	1.00

LA DOLCE VITA 164 NASSAUSTRAT

TEL: 25676 / 26367

OPEN DAILY AFTER 3.00 P.M.

ARUBA USED



CARS

Brasil 114-A

Tel.: 48872 - 45680

THURSDAY SPECIAL

'81 TOYOTA STARLET
2 D./Std./Radio/Airco
Naf. 3.950,-

'81 TOYOTA COROLLA
4D. DX/Aut./Airco/Radio
Naf. 6.950,-

'81 MITSUBISHI COLT
2D./Radio/Std.
Naf. 3.250

'83 TOYOTA HILUX
P'up/Airco/Radio/Std.
Naf. 5.950

Nos ta tuma TRADE-IN ariba tur auto

NEVADA A GANA ENNIA AYERA ANOCHI

ORANJESTAD(AAN)—

Cu score di 8-5 Nevada ayera anochi a gana Ennia den continuacion di e campeonato di baseball AA.

Den prome inning caba di e partido Nevada a anota su prome careda. Esaki ta ser anota pa Oscar Johnstone ora cu despues di 2 out e bala ta dal na casco di Gilbert Rombly, catcher di Ennia, causando asina cu Johnstone ta sali for di tercera pa anota.

Den e mes inning sin embargo Ennia ta empata e partido. Robert Haynes cu ta ricibi base por bola roba segunda ta ser empuha pa dolete di Robert Marsdin.

Den bom di segundo inning Ennia ta bay dilanti cu un careda mas.

Guillermo raymond ta yega base tambe cupasashi gratis y ta sigui pa segunda na momento cu Joseph Hodge ta poncha.

E ta yega tercera cu un passball y ta wordo empuha cu hit di Garry Cham pa Rightfield.

Nevada den tercer inning ta bolbe empata e wega cu careda anota pa Aurelio Dirksz.

E ta yega primera ariba

error di shortstop y ta ser avanza pa Adonis Kemp cu hit y Harold Larmorie cu infield hit. Cu role-tazo di Andriello Kelly pa segunda unda nan ta forza Harold Larmorie pa out, Dirksz ta anota ariba e hugada.

Nevada ta anota su di tres careda den quinto inning. Den e inning aki Nevada ta manda seis homber na bate ariba dos hit conecta y ta logra nan careda.

Tabata den septimo inning cu Nevada a rally pa cinco careda cu nan a sigura e encuentro.

E prome 3 bateadornan ta yega base pero Eddy Dirksz cu ta sigui na turno ta poncha. Johnstone seguidamente ta empuha e prome careda di e inning y despues ariba role-tazo di Carlos Philips pa segunda, Johnstone ta ser forza out y Andriello Kelly ta anota.

Maikel Rasmijn cu a siguina turno ta conecta dolete pa rightcenter y dos careda mas ta dreña anota pa Henry Martijn y Carlos Philips. E di 5 careda di inning cu ta careda 8 di Nevada ta ser anota ora cu Aurelio

Dirksz ta conecta hit pa left.

Den bom di e mes inning Ennia a reacciona pero no por a yega mas cu tres anotacion.

Nevada den e partido

aki a comete 4 erro y Ennia 3. Pitcher ganador a resulta Benito Croes cu a ser releva pa Aurelio Dirks den di siete inning.

Perdedor tabata Joseph Hodge cu a ser releva pa

Rosimbo Noguera den di seis inning.

Harold Larmorie a sobre sali na bate pa Nevada cu 2-2 y pa Ennia, tabata Igmarr Davelaar y Rosimbo Noguera cu 1-1.

SMARTIES A LASTRA CAIQUETIO

ORANJESTAD(AAN)—

Ayera anochi den continuacion di e campeonato di volleyball, damas A-clase e equipo di Smarties Noodrd Volley Masters a duna Caiquetio un lastra di 3-0.

E setnan a termina 15-1 15-0 y 15-7.

Den e partido di caballeros B-clase Aruba Transport a gana Centro di Bario Tanki Leendert den dos set sigui di 15-13 y 15-8.

Diavierna anochi e campeonato ta continua na

Sporthall pero cu solamente e wega di caballeros A-clase entre Brazil Coca Cola y Centro di Bario Noord.

BOXDONAN A MANTENE TITULONAN MUNDIAL

BANGKOK: Na Bangkok Khaosai Galaxy di Thailandia a mantene su titulo mundial di Asociacion mundial di boxeo,

derotando e venesolano Rafael Orono despues cu arbitro a interveni den di quinto asalto.

Na Masan na Sur Corea,

Kwon Sun Chon a mantene su titulo di Federacion Mundial di boxeo derotando cu compatriota Chong Chong Kh.

CASANAN CONTRA SOLTERANAN NA TIVOLI

ORANJESTAD(AAN)—

Diavierna awor tin encuentronan di volleyball ariba cancha di Tivoli entre e Casanan y Solteran-

nan den damas y despues ta e caballeronan lo enfrenta otro.

Weganan ta cuminsa 8 or mainta.

Mientras cu weganan ta

tumando lugar pafo, paden lo tin happy hour y tambe pasamento di sapato den domino, y partimento di capote ariba mesa di blackball.

AMERICA DI CALI TA HAYA GARECA

BUENOS AIRES:—E futbolista di seleccion nacional di argentina y di River Plate, Ricardo Gareca a haya su transerencia pa Cali di Colombia y esaki ta com-

Riverplate ta haya di Cali Claudio Moretti.

e seleccion di Argentina.

Pedro Pascuali tabata e prome cu a bay pa Italia, sigui pa Alberto Mauricio cu a bay Francia.

TUR ATARDI DI DIALUNA PA
DIAVIerna DI 5or PA 7or



E Programa di Estilo
SINTONIA ABSOLUTO
DEN 85



JOHNNY'S
GOLDIES



Hobennan cu Vakantie...
Boso kier gana placa
bendiendo rifa y gana
Fls. 25,00 ariba cada buki??
Tuma contacto telefonico cu
un di e personanan aki:
J.Oduber - 25930
J.Weber - 24711
B.Arends - 45307
J.Croes - 21050
E.Arends - 24250
S.V.CARIBE

ORGANIZACIONNAN JUVENIL DI ARUBA TAMBE TA PROBECHA DI GRABACION

ORANJESTAD(AAN)—Den mundo farandulero un di e noticianan cu ta ocupando lugarnan importante na Antillas ultimo dianan ta e proyecto di Robby Schouten di trece grabacion cu mas o menos 45 artista antillano.

E grabacion cu a haya e number di Hunto nos ta canta cu amor awe, manera ta conoci, lo ta pa institucionnan cu ta traha ariba tereno di juventud na Antillas y Aruba tambe ta cay bao di esaki pa motibo cu recaudacion di cada isla lo ta pa e isla, controla pa douane y tambe pa banco.

Segun Robby Schouten a informa DIARIO, e intencion ta pa por trece tur e artistanan aki pa Aruba, mescos cu e tin intencion pa haci ariba tur isla, pa nan duna un show conhunto den un di e stadionnan na beneficio di juventud Aruba-

no y Antillano.

Manera ta conoci, Robby a cuminsa cu e proyecto aki algun luna pasa hunto cu Tony Sherman, e pianista compositor Glenn Gaddum cu ta acompaña tur e artistanan di Robby den shownan y Dadhy Brokke.

Na diferente studio di grabacion na Hulanda nan tabata topa pa haci e preparacionnan y tin gran parti di e grabacion ariba sinta caba. E composicion ta di Dadhy Brokke segun Robby a duna din conoce y e mes ta bisa cu ta un composicion sumamente bunita. Di local DIARIO por a scucha di e grabacion aki, cual tambe a ser pasa na diferente emisora na Curacao debi na e conferencia di prensa cu Robby Schouten a tene y presenta parti di e pista, por bisa cu enverdad lo trata di un cancion sumamente bunita.

Areglo di e composi-

cion ta den man di Tony Sherman.

Robby a duna di conoce na DIARIO di ta sumamente contento cu e colaboracion cu el a ricibi di artistanan di Aruba tambe manera Sharon Rose, Papito Rafael, E-fem Benita, Edwin Abath Etty Toppenberg, Claudius Philips, Yolanda v. d. Linden pa menciona algun.

E ta spera cu den e dos simannan venidero bini cla cu e grabacionnan necesario y pa dentro di 4 siman e disco lo ta ariba mercado y si no logra den e periodo ey, e lo dura maximo un siman pa dos siman mas despues.

Ta e grabacionnan na Antillas so mester bini cla ainda segun Robby a relata na DIARIO ayera anochi. Gradecido e ta cu e colaboracion cu el a ricibi di ALM pa e artistanan por viaje gratuitamente y tambe di Coca Cola cu ta para tras di e proyecto aki pa yuda cubri gastonan.

NO TA COBRA IMPUESTO ARIBA ENTRADA DI LIVE AID NA STADION

LONDRES:—Gobierno britanico lo no cobra impuesto ariba entrada di venta di carchi na stadion di Wembley pa e concierto di 16 ora Live Aid di diasabra pa diadomingo ultimo pa hendenan di Africa cu ta sufriendo di hamber.

E impuesto lo tabata casi 900 mil florin hulan-

des. Sub ministro di finanzas Barney Hayhoe a bisa ayera den parlamento cu gobierno a bay di acuerdo cu declaracion di e organizadornan di e concierto cu nan a haci un error ora cu nan no a anuncia cu e 20 libra esterlina (45 florin antillano) pa

entrada tabata pa un bon causa y cu e tabata mas cu e 11,50 florin (antillano) normal di entrada, y cu e resto ta un donacion voluntario.

IMPORTACIONES

"MI CASA"

Antes Mosaicos Boekhoudt awor na Paradera 20. Pa bo Mosaicos y Azulejos. Nos Servicio y Calidad ta conta. Tel.34646-31227

VERHUISD

naar

WINDSTRAAT 17 A

PER 22 JULI 1985

HIERDOOR ZIJN WIJ GESLOTEN,
VRIJDAG 19 JULI 1985 (namiddag)

EMPTY SPACE IN
CONTAINER FOR
ST.MAARTEN

CALL. 23396

TA BUSCA

TA BUSCA
Un CRIA pa keda drumi
entrante 1 aug.
Interesadonan por yama
Tel.21117 of 33414

TA BUSCA
Un DAMA pa haci trabao
di cas, tur dia mitar dia
TEL: 32954

TA HUUR
APARTAMENTO
Muebla of no muebla
na Sweelinckstraat (Playa)
Tel: 21646 despues di
10'or a.m.

TA HUUR

TA HUUR
APARTAMENTOS
na Richard Apartment
Prijs fls.450,- inclui tur cos,
muebla y ta huur nan pa dia
tambe. Pasa na
Nassastraat 242

FOR RENT
APARTMENTS
Call 23396
From 8 - 12 / 1.30 - 3.30

FOR RENT
Large executive HOUSE
3 bedroom, 2 bathroom, large
kitchen, living room, porch
and swimming pool. Beautiful
garden and Ocean view, also
good neighborhood.
For more information.
Call 23396 or 41627

TA HUUR
APARTAMENTO muebla
y ta bende tur articulo di cas
y negoshi di boli, machine
etc. \$ 13.500
Bushstraat 3/Ponton
Tel.29024

TA HUUR
CAS di CUNUCU
na ALTO VISTA
INF: 23103

A SER PERDI
Un CACHO cockspaniel den
vecindario di Seroe Alejandro
Savaneta, e ta tende bao nom-
ber di Sproetje, Esnan cu por
a wak e cacho aki por fabor
yama Fania Boderie.
Tel: 47034

BOLS
CU PEPSI: PEPSI-TIC

TA BENDE

BLOKKI BON
TA BENDE
BON
Ta ofrece
4 duim 0,90 Entrega
6 duim 1,40 Entrega
STOCK GRANDI
Santo, Pleister y Basha
Piedra No.5 - No.4
LOPEZ
Tel.28448 - 34590

TA BENDE
PICK UP Chevrolet
Tel.28471
Piedra Plat 44 J

TA BENDE
un CAS na Seroe Pita 21
4 camber, 1 baño
Porch
TEL: 28453

PA BO LOTTO
Pasa na Shoshoro
Emanstraat 106
Dilanti Watertoren

TA BENDE
pa motibo di viaje
Un DATSUN 200 SX 1982
den bon condicion
TEL: 47809

TA BENDE
1 CAS grandi den playa, 3
camber, 3 baño, 2 cushina, 2
veranda, sala, comedor, 1 apar-
tamento cu baño, bon prijs
Pa mas inf. Tel: 24856

TA BENDE
CAS den construccin
bon situa, por fabor yama
na Tel.22383 despues di
5'or p.m.
Henriquez-Oduber

FOR SALE
CHEVROLET EL CAMINO
and
GMC PICK-UP
Both in good condition and
at reasonable price
Call 45220
For more information

TA BENDE
Un Motor 25 HP
Pa mas informacion
Tel.48677

ATENCION !!!

Pa cualkier tipo di trabao
manera COBAMENTO DI
POS, FUNDESHI,
VERFMENTO etc.
YAMA TEL: 26495

MEDIDANAN MAS SEVERO PA BULA NA MERCA

WASHINGTON:—Gobierno americano a informa tur compania di aviacion americano ayera pa nan tuma medidanan mas estricto contra secuestro despues di e secuestro di e avion di TWA luna pasa.

Servicio federal di avia-

cion FAA cu por stipula reglamentonan pa aviacion civil na Merca a determina cu di awor en adelante tur compania mester di un cordinador pa seguridad na tera y a bordo di avionnan.

Pa seguridad abordo e piloto lo ta responsabel.

E lo mester instrui e miembronan di tripulacion di antemano con nan mester actua na momento di irregularidadnan.

E reglanan nobo no ta conta pa companianan di aviacion di exterior, pero FAA a duna indicacion si

cu eseynan dentro di poco lo por cay bao di e medidanan aki tambe.

E companianan di aviacion americano for di ayera mester a cuminsa cu entrenamento di tur nan miembronan di tripulacion den medidanan di seguridad. Anualmente

nan lo mester di bijscholing, esta haya instruccionnan adicional den seguridad.

Vocero di FAA a bisa di no por calcula cuanto personal adicional e companianan lo mester tuma den servicio y cuanto esaki lo bay costa nan.

MAOSITANAN TA SENDE OFICINA DI GOBIERNO NA CANDELA

AYACUCHO: Guerillero nan Maosita a sende un oficina di gobierno na candela y a saquea un post medico di gobierno di Peru na Ayacucho, segun fuentenan militar a

laga sa ayera.

30 guerillero cu ta miembro di Sendero Luminoso a ocupa diahuebs ultimo e ciudad Canarias pa 3 ora y tabata controla e 1500 habitantenan

cu arma. Nan a horta aparatonan y materialnan di operacion y medicinas di e centro di salubridad pero no a bay na e mina di plata cu ta ser bon proteha pa soldat-

nan.

Fin di juni guerillero nan di Sendero Luminoso a ataca e ciudad pa ultimo biaha. Lagunas tambe tabata na blanco.

Mas di 6 mil hende a

perde nan bida desde cu Sendero Luminoso a cuminsa su campaña den e pais Sud Americano pa logra un revolucion a base di ideologia di e lider chine difunto Mao.

EXPLOSION A MATA 4 PERSONA ABORDO DI BAPOR

QUITO: Cuatro miembro di tripulacion di un bapor tanquero ecuatoriano a ser mata ayera ora cu un explosion a tuma lugar abordo na e waf di Guayaquil segun television di Ecuador a informa.

16 otro miembro di tripulacion a ser transporta pa hospital pa quemaduranan grave y 4 otro a keda ileso.

Den un comunicado di CEPE, e compania petrolero estatal, ta ser bisa cu

e tanquero Paola A tabata bashi na momento di e explosion.

Na momento cu e explosion a tuma lugar e tanquero tabata ser repara.

Autoridadnan di waf a

laga sa cu e bapor a cuminsa zink despues cu bomberonan a domina e candela.

Paola A a navega cinco aña pa CEPA y tabata transporta petroleo pa

Guayaquil cu ta keda na 460 kilometer zuidwest di Quito.

E petroleo tabata bini di un refineria na la Libertad cu ta keda 150 kilometer mas noord di e ciudad.

JUNTA ARGENTINO TA SER MENAZA CU CASTIGO MAXIMO

BUENOS AIRES:—E testimonionan duna te awor den e proceso contra 9 lider militar argentino cu a goberna e pais entre 1976 y 1982 ta mas cu suficiente pa corte ta convenci di nan culpabilidad di e acusacionnan cu sistematicamente nan a viola derechonan humano.

Esaki e fiscal a duna di conoce ayera. Julio Strassera fiscal den e caso aki y kende a formula e acusacionnan a duna di conoce cu e lo pidi castigo maximo pa cada un di nan pa limitacion di libertad y tortura.

El a anuncia cu e kier

limita e proceso te 29 di e 416 casonan cu tin contra e 9 miembronan di junta di cual e tabata di ehercito.

E kier pa e acusadonan aparece den corte asina cu tur testigo caba di relata nan historia.

Ayera testimonionan central tabata di e sueco Ragmar Hagelin. Su yiu muher Dagmar a desaparece na 1977; Hagelin a mantene su acusacion na direccion di teniente Alfredo Astiz y Ruben Chamorro. El a califica nan como asesinonan;

Astiz ta ser acusa tambe di secuestro na 1977 di dos religiosa frances.

A testigua tambe un argentino cu durante dictadura militar tabata den prison y cu e prison tabata tin un cuarto di tortura mobil cu e gobiernan tabata usa cu militman pa duna electroshock na presonan den e prison y otro lugarnan unda tabata tin detenidonan durante e guerra sushi den cual por lo menos 9 mil hende a perde nan bida. E testimonio aki ta bini di Alejandro Hugo Lopez, cu tabata detenido como soldat, na un instituto di marina na Buenos Aires kende tambe a divulga di e camber mobil di tortura.

El a laga sa cu e vehiculo lo a ser contrui na e instituto cu tabata tambe un prison usa pa e militar nan. Aki tabata tin e guerillero nan y argentino nan izquierdista deteni.

Nan a construi loods nan ariba tereno di e instituto, y tambe un vehiculo di carga cu dos cama den dje. Dos instalacion electrico y un sistme hidraulico tabata na e vehiculo pa haci esaki mas halto cu normal di manera cu durante tratamiento di presonan cu shock e vehiculo no ta sagudi, el a laga sa.

Na cuminzamento di siman, e fiscal di e proce-

so aki a ser menaza cu morto. Personanan anonimo a trata di mata Julio Strassera den 48 ora, segun e agencia di prensa Telam.



INTERNACIONAL

BOULDER—COLORADO—ESTADOS UNIDOS Un revista americano a ofrece un compensacion mas halto pa entrega di un helicopter ruso na Nicaragua, cual helicopter ta di tipo MI-24. E compensacion a ser aumenta na un millon dollar.

Robert K. Brown, pu-

blicador di e revista "Soldiers of Fortune" ta bisa den e revista cu e lo entrega un millon dollar na e piloto, miembro di tripulacion of instructor cu logra sali for di Nicaragua cu un di e helicopterman aki. E helicopterman aki ta ser califica

como e e helicopter mas mortal mundialmente. E ta carga 32 raketa, 4 raketa anti tank dirigi pa lasser cu un radio di accion di 10.5 kilometer y un cañon di 4 tiro.

Anteriormente Brown a pone un recompensa disponibel di 100 mil dollar

pa un MI-24 cu ta conoci tambe como "Hinde", pero despues el a aument esaki pa un millon dollar.

Hefe di Redaccion ad-hunto, Jim Pate ta bisa cu redaccion a ser yama pa hopi hende cu ta pidi un voorschot, adelanto ariba e pago di compensacion, di mas o menos 10 mil dollar pa bay Nicaragua y pa secuestra un di e aparatonan aki.

E millon lo ser paga solamente na pilotonan nicaraguense of pilotonan di paisnan di Europa comunista, cu ta duna instrucción na e pilotonan nicaraguense encuan-to e

helicopterman aki, segun Pate.

E piloto mester ateriza cu e helicopter den un pais latino aliado di Estados Unidos of cu tin relacionnan estrecho cu Estados Unidos ya cu un Mi-25 por bula un distancia di 480 pa 640 kilometer.

Si e revista Soldiers of Fortune logra haya su helicopter nan lo laga expertonan desmantela e aparato y investiga esaki, y publica locual nan a haya sa, segun Brown. E helicopter despues ta ser bendi des-pues aparentemente na e pais of aliado americano.

EXPERTO DI AFRICA NA KREMLIN NO SA NADA DI LIVE AID

MOSCU:—E top experto ariba Africa na Rusia no a nota nada di e concierto di 16 ora cu a ser teni diasabra pa diadomingo bao di e number Live Aid y cu a ser mira pa mas o menos 1.5 millard hende na mundo.

Anatoly Gromyko a declarar di no tabata sa nada di e concierto aki cu a

logra acumula mas di 150 millon florin(hulandes) pa esnan cu ta sufri di hamber na Africa.

Television Ruso no a transmiti e concierto. Un grupo di baile ruso si a tuma parti den e concierto. Gromyko, di 58 aña hefe di e Instituto Africano cu tin masha influen-

cia na Moscu, kende ta yiu homber di presidente Andrei Gromyko a bisa cu si e placa recauda ser reparti sin metanan politico esaki lo ta un causa positivo.

Ta duel mi pero mi no tabata sa nada di e concierto aki pero si a recauda placa, esaki ta un bon causa, pasobra esaki ta demostra cu hende ta humano y cu e base ta dunamento di yudanza na Africa, el a bisa.

El a laga sa di no tabata na altura cu Moscu tambe a contribui na e concierto pero a laga sa cu yudanza ruso na varios ocasion ta ser duna via organizacionnan publico cu ta anda cu menos luho y publicidad cu den occidente. "Tur hende sa di esaki, menos esnan na Union Sovietica" el a laga sa.

IRAK A DESTRUI OFENSIVA IRANI

BAGDAD:—Irak a declara diamars di a destrui un ofensiva Irani nobo na e frontera noord den guerra di golfo.

Segun Bagdad e tropa-nan irani a sufri perdida-nan grandi y tambe di masha hopi material di guerra cu a ser destrui.

un vocero di ehército den capital Iraki a declarar cu e situacion den ceronnan parti noord di Kurdistan, ta stabil awor den ventaha di tropanan iraki.

For di diadomingo tin combatenan fuerte tumando lugar den e parti noord di e frontera di 1180 kilometer entre Iran y Irak. Segun diplomatican tin un ofensiva grandi Irani tumando lugar.

E batalla den valle di Seidakan a dura 24 ora y division 33 di Iraki, un brigada di infanteria y do comando ta tumando parti den esaki, segun e vocero.

Seidakan ta keda na 13 kilometer ariba territorio iraki y 400 km noord di

Bagdad unda e frontera-nan irani, iraki y turco ta bini hunto.

Irak a anuncia di e ofensivo irani di dialuna cu e combatenan a dura 15 ora y cu 940 irani a ser mata y miles otro herida.

September venidero e guerra aki ta cumpli su di 5 aña.

Awe Papa ta e prome aña di bo partida

E fecha aki ta esun di mas tristo pa nos.

Papa, ki lihe bo a laga nos.

Y ki dolor bo a laga atras.

Bo a bai un a atardi skurito y e dia ey no a claria mas pa nos

Cuanto consejo amor y palabra nos falta.


Pero awe bo ta leeuw manera e cielo cu un dia nos ta spera di alcansa.

Roga nos Señor pa bo Señora y Juinan y Nietonan y Suegro nan.

PAPA, descansa na paz.

Y alavez ta participa cu awe 18 di juli lo tin un Santo Sacrificio di misa pa 7'or anochi na misa Sagrado Curazon di Jesus, Savaneta pa recorda e di promer aniversario di fallecimiento di nos querido, inolvidable esposo, tata, abuelo y suegro,

ALBERTO BESARIL
q.e.p.d.



GRADICIMIENTO Y INVITACION

Sra. Vda. Linchi-Lopez-Geerman, juinan, rumannan y demas familia, ta gradici tur esnan cu di un of otro manera a muestra nan atencion na ora di enfermedad y entiero di nos difunta stima; **FRANCISCO LOPEZ**

Panchico

Y tambe na Dr. Falconi, Dr. Essed, Verpleegster-broedernan di Dr. H.O. Hospital, Pastoor Jansen. Esnan cu a manda flor, krans y telegram, na Agencia Funeraria del Pueblo, na Binchi Boekhoudt y su grupo folklore. Boso atencion tabata un estimulacion pa nos y alavez nos ta invita na un Santo Sacrificio di misa, Diahuebs 18 juli pa 6.30 p.m. na Sta. Theresita. Diasabra 20 juli pa 7'or p.m. na Emanuel Kapel, Diamars 23 juli pa 6.30 p.m. na Sta. Theresita.

NA MEMORIA DI

L que soledad sentimos

U sin poder oir su voz

I con su bondad y cariño

S ya no estas a nuestro lado

R solo tus recuerdos han quedado

N cada vez alzamos los ojos al cielo

A para rogar, a nuestro Señor

V con fervor por mis hijo y hermano

A que esta en su Reino

S y desde aqui, lo recordaremos con amor.



Nos ta invita tur famia, amigo y conocirnan pa un santo sacrificio di misa diasabra pa 7'or anochi na misa Sta. Filomena na Paradera pa recorda e di 10 aña di fallecimiento tragico di

LUIS NAVAS


Su Mama y rumennan.

INVITACION

Sra. Vda. Elisabeth Berg y juinan ta invita tur famia, bisiaña y conocirnan na un Santo Sacrificio di misa pa recorda 1 aña di fallecimiento di nan difunto stima

NICOLAAS D. BERG

Cual lo tuma lugar Dia 18 di Juli pa 7'or anochi na misa San Francisco na Playa.



INTERNACIONAL

MENGELE TA BIBO AINDA SEGUN MOSSAD

MUNICH: E ex hefe di servicio secreto di Israeli Mossad, Isser Harel ta convenci cu e ex medico di campamento nazi na Auschwitz, Josef Mengele ainda ta na bida, segun e revista aleman, Bunte cu a publica masha hopi arituclo ariba Mengele ultimamente.

Segun Bunte, Harel ta

di opinion cu Mengele y su amigonan a haya miedo di e tribunal Auschwitz di februari ultimo na Jerusalem unda testigonan a testigua di e experimentonan cruel cu Mengele tabata tene den e campo di concentracion

Mengele y su amigonan despues di e tribunal a

trata na despista mundo y opinion publico.

"Di con su famia a tene boca sera asina hopi aña" Harel ta puntra "Si autoridadnan a anuncia di morto di Mengele for di 1979 e patalogonan facilmente por a identifica e cadaver", el a bisa.

Ministerio di Justicia di Israel tampoco ta kere

den morto di Mengele. Segun e revista nan no ta convenci cu e cadaver investiga na Brazil ta di Josef Mengele.

Servicio Secreto di Israel lo tin documentonan den su poder den cual e famiñan di Mengele ta trata na despista mundo, segun e reportero Denis

Eisenberg den Bunte.

Tin indicacionnan di un plan nobo ingenioso pa por duna Mengele un lugar nobo di sconde y despista mundo y ta hopi placa a ser gasta pa esaki y cu a conduci na e graf na Embu, Sao Paulo.

Mengele ta scondi tras di un nubia gigantesco.

CAHA PRETO DI AVION BAO DI ESTUDIO AINDA

BOMBAY: Ayera tabata circula e informacion cu e equipo di investigacion di e desaster cu e avion di Air India a bin conclui di

datonan di computer cu net prome cu e avion a cay tabata tin un explosion abordo. Esaki ta local e agencia di prensa indio PTI a anuncia.

Durante e desater luna pasa dilanti di costa di Irlanda mas di 300 hende a perde nan bida. Segun PTI 30 seconde largo tabata tin explosion abordo di e jumbo jet y cu e informacion nan a logra haya di fuentenan anonimo cu tin entrada cerca e

equipo indio di investigacion.

Segun e americano Graham Leroy, e noticia aki

di PTI no ta corecto. Leroy ta experto di e fabrica di avion Lockheed cu ta masha estrecha cu e in-

vestigacion. "Lo unico cu mi por bisa ta cu e caha preto ta intacto" el a laga sa finalmente.

AIDS A CAUSA CASI 100 MORTO NA ALEMANIA

BERLIN/FLENSBURG: Na Alemania Occidental te cu ayera un total di 95 hende a muri a conse-

cuencia di Aids segun profesora Johanna L'Age Stehr di e instituto Robert Koch di Salubridad Publico Central di Alemania Occidental na West Berlin.

E siman aki un homber di 44 aña na West Berlin a fallece a consecuencia di e malesa aki y esaki a pone cu informacion a sali di e total te awor.

E instituto cu ta registra casonan di Aids na Alemania Occidental, tin un lista actualmente di 230 patient, entre nan 12 muher y dos mucha.

Casi tur dia nan ta haya un caso aserca.

Segun organizacion di salubridad mundial, di e 940 casonan conoci te cu fin di maart, 468 a fallece.

AVION DI PASAHERO RUSSO A CAY

MOSCU:—Pa tercer vez e aña aki, un avion di pasahero sovietico a cay. Segun un coraft di Oezbeek e avion a cay dia 10 di juli y cu tur pasahero a perde nan bida. E avion tabata tin destinacion Leningrado. Ariba e liña di Karsji pa Leningrado ta ser bula normalmente cu avionnan Toe 154 cu ta carga maximo 150 pasa-

hero. Vuelonan interno na Union Sovietica generalmente semper ta completamente yena.

Funcionarianan di ministerio di aviacion na Moscu no kier a comenta ariba e informacion di e desaster aki. E desgracia no a ser menciona tampoco den medionan nacional Sovietico.



ORDENANZA PA PERMISO

Bestuurscollege di Aruba ta anuncia cu entrante 19 juli 1985 durante 14 dia lo tin oportunidad pa un y tur pa tuma conocemento na Bestuurskantor, Departamento pa Asunto nan General y Juridico di un petition cu a ser haci pa obtene un koffiehuis y un restaurantvergunning A pa continua e mes un negoshi den e parcela Wilhelminastraat 80. E permisonan aki ta concerni benta di bebida sterki por detal pa cual e permisonan lo ta valido. Durante dicho termino di 14 dia tur hende tin e derecho di laga sa por escrito su obhecion contra di dunamento di e permisonan aki.

ALEMANNAN Y NAN MUHER IDEAL

MUNCHEN:—E muher ideal pa alemannan ta e muher rubia y delega, cu wowo blauw, estatura di 1.70meter y e no mester ta fanatico politico.

Si e ta fanatico politico esaki por ser tolera sin embargo.

E muher ideal mester ta

gusta mucha, mester ta fiel. E Homber Aleman no ta gusta pa su casa ta jaloers y cu e ta flirt y tampoco cu e ta gusta keha.

E muher ideal pa alemannan mester ta cariñoso cu mentalidad moderno, y mester por anda cu placa y sa con pa economiza.

32 Porciento di e 2000 hombernan cu a ser entrevista den un encuesta a duna e imagen menciona ariba pa un muher ideal pa Alemannan.

DIJKHOFF PESTCONTROL
Pa spuit Bo cas, plafond, cura of edificio contra di Tur sorto di Insecto (Houtluus)
Yama nos na 27271 entre 1'or y 5'or p.m.

PROBECHA DI NOS PROBLEMA DI OVERSTOCK y CUMPRANA 1/2 PRIJS:

WHIZ DISC
SABRE RASP
MINI EASY DRIVER
BED SPRING SUPPORTS
SCHARNIER/BRASS
VERF WOOLSEY/SAPOLIN
COIL TESTER
BATTERY CHARGER
ROLLO PAINT ROLLER
JIG SAW ACCESS
STELLAGE
CLOTHES DRYER
CABLE HOIST PULLER
AXLE SHAFT PULLER
SLIDING DOOR CLOSER & LOCK
FLEXIBLE SHOWER
TUBING
DRAIN OPENER PRESS.
PUMP
WATER HEATER CONN.
KIT
KRAANCHI TIP TURN
PIA DI HERO
CHAINSAW GUIDE BAR
KRAANCHI AQUAMIX
READING GLASS
POCHI PA POEIRO
FLUXOLDER
TRUSTAN RUST PROTECTOR
GRINDING/SANDING
WHEEL
HAAK "SPANFAST"
30% OFF Ariba:
SANITARIO "IDEAL STANDARD"

B.J. ARENDS & SONS
O'stad Hardware Center
"Cumpra cerca nos y Gana un NISSAN 300 ZX"

PROME BUKI DI SOEURNAN AMERICANO

WILMINGTON:—Na Estados Unidos e prome edicion a sali di locual ta ser yama "Buki di Soeur". Den dje tin 80 mil nomber di religiosonan cu ta traha na Estados Unidos, den e diferente ordonan.

Magdalen O'Hara, un soeur di orden Ursulina

como redactora di e buki cu ta pisa 2.7 kilo y cu ta costa 227 dollar, a declara cu anteriormente el a trata caba di registra tur soeur pero cu ta introduccion di computer a haci posibel cu ta awor numa e por a continua

cu e trabao y yega na un fin exitoso cu esaki.

El a admiti sinembargo cu tin miles di soeur cu no ta registra pa motibo cu algun ordo y dioces ta tene silencio encuanto esakinan. E ta calcula cu na Estados Unidos tin

mas di 109 mil religioso.

Publicador Michael Glazier a declara di a acepta pa haci e publicacion aki despues cu algun religioso a haci e peticion na dje como cu nan no ta na altura di bukinan di estudio aribanan tereno.

E buki di soeur ta consisti di dos parti. Den e prome parti por haya e soeuman registra segun nan dioces y e segundo

parti ta duna un index nacional segun faam.

MANIOBRA DI FLOTA SOVIETICO DEN OCEANO ATLANTICO

LONDRES:—Den parti oost di Oceano Atlantico

Marina Sovietico a cuminsa cu un maniobra maritimo den cual ta tuma parti mas di 40 bapor di guerra sovietico.

Segun e stacion di Navo na Norwood, Londres, meta di e maniobranan ta pa proba capacidad di bapornan y submarinonan den caso di guerra, pa corta transportacion americano pa Europa.

Bapornan y avionnan di Navo, di ehercito britanico ta siguiende e movicionnan di bapornan ruso den Oostzee, lama Mediteraneo y puerto di marina na Moermansk.

12 PAIS AFRICANO SIGUR MESTER DI YUDANZA

ADDIS ABEBA: Sigur ta cu 12 pais Africano urgentemente mester di cuminda pa combati hambrera den e paisnan, segun un rapport cu a ser traha pa organizacion di cuminda y agricultura di Nacionnan Uni, FAO, y cu a ser publica ayera na Addis Abeba.

Ta ser menciona cu tin 13 pais den e situacion aki y nan ta Angola, Botswana, Burkina Faso, Etiopia, Kaapverdie, Mali y Mauritania, mocambique, Niger, Senegal, Somalia, Sudan y Tsjaad.

Eorganizacion ta bisa cu mester di 224 millon dollar pa yuda 25 pais africano pa sali for di e situacion grave cu nan ta aden. Di e suma ey 84 millon ta pa yudanza di emergencia, 140 millon dollar pa Etiopia, unda mas o menos 8 millon hende ta sufrir di hamber.

Suddan mester di 39 millon florin den prome instancia urgentemente y mester di 7 millon na grano mientras cu comunidad internacional a priminti fin di luna pasa 6.7 millon tonelda.

E rapport ta muestra

ariba problemaman di transportacion di yudanza pa e victimanan di hamber na Etiopia, y Sudan.

FAO ta preocupa pa e situacion na e paisnan aki y especialmente tambe na paisnan di Sahel na West Africa. Apesar di esfuertonan grandi pa logra hiba cuminda pa esnan cu ta sufrir di hamber e organizacion ta tene

cuenta cu un tercera parti di e yudanza no ta yega na ora na e lugarnan cu tin segura.

E organizacion pa unidat africano, OEA, cu ta tene su di 21 conferencia na capital di Etiopia a informa cu mas di 150 millon africano tin escasas di cuminda actualmente y ta sufrir di hamber.

REPRESENTANTENAN Cont. di pa. 3

rapport mas. Nan ta buscando pa mira cual ta e industrianan cu lo ta necesario na Aruba y bon

pa exportacion. Sr. Melchior ta na Aruba ariba encargo d gobiernu di Hulanda.



FunWorld
Promenade
Tel: 41996

FunWorld

TA PRESENTA un TREMENDO
POPPENKAST
y
TEKENWEDSTRIJD

Diasabra awor pa 4.30, ariba Promenade na S.N.
Lo tin PREMIOS pa e GANADORAN.

CU CADA COMPRA DI UN BOTTER DI GARLIC POWDER DI 2 1/2 oz.



BO TA HAYA DI REGALO un bleki di BLACK PEPPER di 1 oz.



OTRO GRAN OFERTA di



YA TA Ariba MERCADO



Chito

FLG: 1.50

PASO FINO. CYNDY LAUPER.

SONGHITS. CAPRI 2.

DEBARGE.

Scarlatina ta sperando un baby.

Robby Schouten cu un gran proyecto pa Antillas...

OBTENIBLE TUR CAMINDA

ECONOMIA MUNDIAL

Compania di treinan na Inglatera ta den cifranan corra masha hunto. Di januari aña pasa te cu maart e aña aki nan a sufri un perdida di 408 millon libra esterlina cu ta mas o menos 920 millon florin antillano. E perdanan mas grandi ta den transportacion di carga y ta di 250 millon libra esterlina, 550 millon florin antillano, menos cu anteriormente. Segun British Rail, causa di e perdanan aki ta e huelga di aña pasa di mineronan.

Estados Unidos a laga sa cu nafi no ta contra mas di entregamento di sistemanan electronico di telefon na China, door di e

compania hermana di ITT estableci na Antwerpen, Bell Telephone Manufacturing, BTM. E cambio di actitud aki a bini door di intermediacion exitoso di e ministro di asuntonan di exterior di belgica, Leo Tindemans. E acuerdo entre BTM y China cu a ser firma for di aña pasa tin un balor di 14 millard frank, mas o menos 390 millon florin antillano.

Taiwan y Sur Corea a anuncia di lo bay den accion contra plannan di Estados Unidos di reduci importacion di textiel. E dos paisnan kier pa e americanonan mantene nan mes na e contingen-

tenan di textiel actual y nan ta mira mas den un contingente pa tur paisnan exportador di textiel hunto, na lugar di acuerdonan di pais pa pais. Taiwan y Sud Corea cu ta e paisnan cu ta exporta mayoria di textiel pa Estados Unidos tin temor di bira victima di e plannan americano. Taiwan ta calcula cu nan perdida ariba exportacion lo bira di mas o menos un millard dollar y cu ta hopi fabrica lo mester wordo cera e ora ey.

E deficit ariba cuenta di balance di pago di Francia den prome seis lunanan di e aña aki a baha te 6.9 millard frank, mas o menos 1.3 millard florin antillano. Den prome seis lunanan di aña pasa e deficit tabata di 10.1 millard frank, cu ta mas o menos 18.5 millard florin antillano. Segun ministerio di asuntonan economico di francia e reduccion di e deficit a bini door di e bon resultadonan den segundo kwartal di e aña aki den cual tabata tin un saldo favorable di 10.8 millard frank, cu ta casi 2 millard florin antillano.

E concern di Alemania Occidental Ruhrkohle AG den e periodo te cu

1988 kier baha e cantidad di colaboradornan administrativo cu 2100 y trece e total na mas o menos 10 mil. Entre 1970 y fin di 1983 e concern a schrap caba 36 por ciento di su lugarnan di empleo den sector administrativo. Den e mes periodo nan a baha e cantidad di empleo na e concern cu 34 por ciento te na 122.300.

Den e lucha pa tumamento over di e cadena di pacusnan di Debenhams na Inglatera, e compania di paña, Burton's Clothing Shops a haci un oferta nobo di 583 millon libra esterlina (mas o menos 1.3 millard florin antillano). Na mei Burton a haci oferta caba di 455 millon libra esterlina (un millard florin antillano mas o menos) pero esaki a ser rechaza pa gerencia di Burton cu a bisa cu e suma ey ta insuficiente. Presidente di Conselho di Gerencia di Debenhams, Robert Thornton a declara e tempo ey cu tur esfuerso pa tuma e compania over lo ser contesta cu un contraoferta di mas di 600 millon libra esterlina (1.35 millard florin antillano).

E ministro nobo di asuntonan economico di Spa-

ña Carlos Soldhaga, ta spera un inflacion e aña aki na Spaña di 7.9 por ciento. Pa otro aña e ministro ta spera cu e inflacion lo ta casi mescos. Na 1982 inflacion na Spaña tabata 14 por ciento ainda. Aumento di e producto nacional Bruto di e pais, na fin di e aña aki lo ta dos por ciento. Na Spaña 22 por ciento di e comunidad trahador ta sin trabao.

China ta bay construi un carretera ferroviario banda di e ruta bieuw cu ta pasa cruza continente aziatico. E liña lo comunica e red ferroviario chinas den provincia Xinjiang cu e red Ruso. China kier exporta productonan industrial via e ruta antiguo comercial pa Rusia.

Gobierno di alemania occidental a aproba venta di fabricante di arma Kraus Maffei na seis doño nobo, entrecualnan, Messerschmitt-Bolkow-Blohm-y fabricante di arma Diehl.

E propietario anterior, e concern Flick ta bende 81.4 por ciento di su accionnan. E accionista nobo di mas grandi ta bira e banco di desarrollo industrial di Beieren cu 25.

SOCIAL



awe ta cumpli dos(2) aña JEANELIS WERLEMAN e muñequita di cas cu ta ricibi masha pabien di su ruman Jocelyn di su mama y tata, madrina y padrino, welo y welanan, tanta y omonan, primo y primanan demas familia y di DIARIO.



Ayera mainta un grupo di mas o menos 80 mucha bao guia di Sr. Mirto La-



cle, y su lidernan di Summercamp a bishita Antonio's. Ariba e foto grandi por mira e maestro ademais instructor fisico hun-

to cu e jovennan y tambe por mira ariba e foto chiquito un jovencito cu un jovenson durante e bishita na e restaurant. Tur e muchanan tabata cu nan

petchi comercial. Durante e summercamp nan ta ser instrui ariba cosnan practico educacional y tambe ta ricibi hopi informacion educativo.

CARACAS

HOTEL Gran Galaxie	25-7-'85/21.45 28-7-'85/20.30
FLS.	Ta inclui: Pasashi/tax na Aruba/tres anochi Gran Galaxie Htl.
175	
TPL.	
DBL. 193 SGL. 240 Mucha 130	Opcional: Traslados y Late check out.
EL MUNDO KANGURO ARUBA TEL.32185 - 23706	

TA BAI HABRI
Un SPEELSCHOOL
na Savaneta
Pa mas informacion
Tel: 48677

POLIS

ORANJESTAD(AAN)—
Dialuna un robo a tuma
lugar den Koningstraat

y e homber A.V. a duna
keho di esaki. El a splica
cu ladron a bay cu un

speergun.

Diaranzon un patruya
cu tabata patruyando den

MUHER A RICIBI PENA DI MORTO PA DROGA

LAGOS: Un corte di jus-
ticia na Nigeria ayera a
condena un muher di 20

aña na morto, pa e wordo
fusila pa un peloton, pa
motibo cu el a ser atrapa

cu cocaina, segun agencia
di prensa di Nigeria a laga-
sa.

Moronko Fausat Lawal
a cay flauw ora cu el a
tende e sentencia y e ta
bira e di cuatro muher
nigeriano cu ta ricibi pe-
na di morto pa violacion
di e ley di droga impone
pa autoridadnan militar
despues di nan golpe di
estado fin di aña pasa.

Na Nigeria si un perso-
na wordo atrapa cu droga
den su poder e ta haya
castigo di morto.

Conseho supremo mili-
tar ya a firma dos conde-
na di morto y ehecucion
di e dos muhernan lo
mester tuma lugar ainda.

Un tercer a haya cadena
perpetua pa motibo cu e
tabata na estados dia cu
el a ser deteni.

Na cuminzamento di e
aña aki tres homber cu
tabata trafica den droga
a ser tira mata publica-
mente y esaki a conduci
na protestanan grandi.

Ehecucion di e senten-
cianan di e tres muhernan
lo no tuma lugar publica-
mente mas.

TURISTANAN A BAY CU BRIL

ORANJESTAD(AAN)—
Un señora cu tin un ne-
goshi na Playa a bishita
recherche tambe y a duna
di conoce cu dos dama
turista di habla spaño a
drenta su negoshi y a pidi
pa mira algun bril.

Ora cu el a muestra nan
e brilnan di solo, nan a
keda conversa un rato y
despues a sali bay.

E ora ey e señora a bin
ripara cu e muhernan a
baha na awa cu 7 bril di
solo na balor di 105 dol-
lar.

Recherche ta buscando
e muhernan aki.

LADRON A BAY CU STEAK

ORANJESTAD(AAN)—
Doño di un carniceria na
Playa tambe a denuncia
ladroncia cu a tuma lugar
den su establecimiento.

Ademas di esaki e la-
dronnan a causa un des-

struction tambe.

Nan a drenta e negoshi
y a bay cu un caha den
cual tabata tin tres pida
steak na balor di 113 fl-
rin. E caso ta den man di
recherche.

PRINS SAUDI DETENI NA LONDRES CU DROGA

LONDRES:—Un prins
saudi, a ser deteni siman
pasa na Londres y acusa
di tabata tin droga den
su poder, segun polis di
Londres a divulga ayera.

Prins Mashur Bin Saud
Abdulaziz, un primo di
31 aña di Rey Fahd di
Saudi Arabia a aparece
dialuna dilanti juez na
Londen y a ser acusa di
ta involvi den trafica-
cion di droga.

E ta den aresto preven-
tibo den prison di Brix-
ton zuid di Londres.

E detencion di e prins
a tuma lugar despues di
un investigacion cu polis
britanico tabata haciendo
na Hulanda, Francia y

tambe na Belgica.

E prins cu a ser deteni
diahuebs pasa den su cas
na Knightsbridge den
centro di Londres no a
pidi pa ser laga den liber-
tad ariba fianza. Diavier-
na awor su caso lo ser
trata.

Ministerio di asuntonan
di exterior a bisa cu nan
ta na altura di detencion
di un saudi cu no tin sta-
tus diplomatico.

Prins Mashur ta yiu di
ex rey Saud cu na 1964
a entrega trono na su ru-
man Faisal. Embahada
di Saudi Arabia no kier
a duna comentario ariba
e detencion aki ayera.

ESKELETONAN DI MILES DI AÑA BIEUW DESCUBRI

SELBY: Na Selby parti
Noord di Inglatera a ser
descubri tres eskeleto
ayera cu tin segun calcu-
lacion mas di 900 aña.

Ta ser supone cu ta tra-
ta aki di eskeletonan di
victimanan di un batalla
entre Inglatera y Norue-
ga na 1066.

Arqueologonan a decla-
ra cu e eskeletonan a ser
descubri durante escava-
cionnan na East York-

shire unda topanan di e
rey Sakso Harold a dero-
ta un ehercito di invasion
di Rey Harald durante
batalla di Stanford Bridge

Despues rey Harold di
Inglatera a bay zuid unda
el a bringa den e batalla
di Hastings y a perde di
Rey Guillermo e Con-
quistador di manera cu e
isla a cay den man di
Normandia.

LADRON DI SPEERGUN DETENI

playa a mira un joven sos-
pechoso den Arendsstraat
y e bon conocido di pòlis
aki a dicidi di core bay
ora cu el a mira e polis-
nan ta acercando.

E patruya cu a ripara
cu nan no por gara e jo-
ven R.H. a dicidi di pidi
pa mas yudanza y nan a
rondona Rancho.

Den Schelpstraat nan a
bin aresta R.H. y hihe
warda.

Durante interrogacion el
a bin admiti di e horta e
speergun y a bin admiti

mas robo cu el a comete
tambe.

R.H. a keda na warda
pa pasa algun tempo mas
prome cu e por mira Don
Libertad atrobe.

LADRONNAN A BUSCA ESTADISTICA

ORANJESTAD(AAN)—
Diamars mainta e hom-
ber J.T. a duna keho na
polis cu ladronnan a
drenta den Oficina di Es-
tadistica. Nan a kibra un
ventaha di palo y asina a
drenta cushina.

E estadisticanan cu apa-
rentemente nan a bay
busca nan no a haya, pe-
ro si a horta un prulle-
mand, 4 bleki di coffee,
un saco di sucu y thee.

Tambe a ser horta e su-
ma di 150 florin y un ra-
dio na balor di 155 florin

Nan a listra ademas tur
lachi y a haci un desaster
den e oficina.

E caso lo ser investiga.

Drive - In

TODAY
at 8:30 p.m.



DRAGON
FINGER

Chinese 18 yrs.

Boulevard Theatre
I TODAY II
at 8:15 & 9:15 P.M.
No hay hombre...
No hay ley...
No hay guerra...
que lo detenga!

RAMBO II
Pa e Pelicula aki e Pass nan di Cortesia y Ladies Night a wor-
do Cancela

RAMBO
MANIA
AUGUST I
BREAKOUT SCARAMOUCHE
Tur CABALLERO interesa
por inscribi na;

TEL: 46532

Be Independable